



Broj. 01/1-2823 /22

Dana: 06.10.2022. godina

**ODLUKA O PONIŠTENJU POSTUPKA JAVNE NABAVKE USLUGA POPRAVLJANJA I ODRŽAVANJA
ZA MOTORNA VOZILA I PRIPADAJUĆU OPREMU PUTEM KONKURENTSKOG ZAHTJEVA JAVNE
NABAVKE**

Na osnovu člana 69. stav (3), člana 70. stav (1), (4), (6) Zakona o javnim nabavkama („Službene novine BiH“, br: 39/14), te na osnovu preporuke Komisije za javne nabavke broj: 01/1-2815/22 od 06.10.2022. godine u postupku javne nabavke – Usluga popravljivanja i održavanja za motorna vozila i pripadajuću opremu, dekan Šumarskog fakulteta Univerziteta u Sarajevu donio je:

ODLUKU

o poništenju postupka javne nabavke

Član. 1

Poništava se postupak javne nabavke pokrenut putem konkurentskog zahtjeva (sa namjerom provođenja e-aukcije) u predmetu pokrenutom Odlukom o pokretanju broj: 01/1-2438/22 od 07.09.2022.godine koji se odnosi na usluge popravljivanja i održavanja za motorna vozila i pripadajuću opremu iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka objavit će se na web stranici www.sfsa.unsa.ba, u skladu sa članom 70. stav(6) Zakona o javnim nabavkama („Sl.glasnik BiH, br: 39/14).

Član 3.

Ova Odluka stupa na snagu danom donošenja.

Obrazloženje

Ugovorni organ Šumarski fakultet Univerziteta u Sarajevu pokrenuo je postupak javne nabavke Odlukom o pokretanju broj: 01/1-2438/22 od dana 07.09.2022.godine. Javna nabavka pokrenuta je putem konkurentskog zahtjeva javne nabavke (sa namjerom provođenja e-aukcije). Procijenjena vrijednost javne nabavke je 2.050, 00 KM.

Nakon Obavještenja o nabavci broj: 29343-7-2-24-3-31, objavili smo i pojašnjenje tenderske dokumentacije za nabavku na portalu javnih nabavki dana 13.09.2022. godine, obzirom da je napravljena tehnička greška u smislu ukupne procijenjene vrijednosti nabavke, te je pojašnjeno da se radi o cijeni od 2050,00 KM a ne 2050,50 KM kako je stajalo u dijelu tenderske dokumentacije „PODACI O PREDMETU JAVNE NABAVKE“ tačka 6.1 Opis predmeta nabavke.

Od ponuđača TOTAL TRADE DOO DOBOJ smo dobili Zahtjev za pojašnjenje tenderske dokumentacije u formi pitanja na portalu javnih nabavki. Prvo pitanje je glasilo: „Da li Vam je prihvatljivo mjesto pružanja usluga Istočno Sarajevo, Istočna Ilidža?“ Odgovorili smo da je mjesto pružanja usluga naglašeno u tenderskoj dokumentaciji obzirom da smo za isto naveli Grad Sarajevo, ne kako bi nekoga diskriminirali nego kako bi se zaštitili od punuda eventualnih ponuđača koji su mnogo udaljeni od našeg sjedišta te izbjegli dodatne troškove odlaska, a obzirom da se radi o službenim vozilima za kojima imamo potrebu na dnevnoj osnovi. Po navedenom odgovoru od gore imenovane firme, odnosno zakonskog zastupnika i direktora Boška Popadića smo dobili žalbu u kojoj se poziva na diskriminaciju po navedenom kriteriju. Zbog navedenog donesen je Zaključak o obustavi postupka nabavke broj:01/1-2621/22 od 23.09.2022. godine, te je Odlukom o usvajanju žalbe broj: 01/1-2640/22 od 26.09.2022. godine udovoljeno žalbi. U skladu sa navedenim izvršena je ispravka tenderske dokumentacije i obavještenja o nabavci pod gore navedenim brojem, te je rok za dostavu ponuda produžen za 7 (dana) odnosno do 04.10.2022. godine do 10.00 sati.

Drugo pitanje navedenog ponuđača bilo je: „Da li jedinična cijena treba da predstavlja cijenu norma sata po kome se vrši usluga servisa?“ Na navedeno pitanje odgovoreno je potvrdno, te je ponuđač u ostavljenom roku dostavio ponudu po norma satu bez navođenja broja sati i cijena za dijelove automobila koji su navedeni u aneksu 3 tenderske dokumentacije. Tako da njegova ponuda nije jasna niti izgledna u smislu krajnjeg troška za navedenu uslugu.

Ponuđač broj dva AUTODELTA d.o.o. Sarajevo je dostavio svoju ponudu u ukupnom iznosu, te i pored gore navedenih razloga nije mogla biti zakazana e-aukcija obzirom da se ponuđači ne mogu nadmetati po različitim osnovama.


Kako bi se navedeni propusti ispravili te dopunila tenderska dokumentacija, u smislu preciziranja Aneksa 3, te kako ni jedan ponuđač ne bi bio u nepovoljnijem položaju, a opet dobio ravnopravnu priliku po ponovljenom postupku, Komisija je postupila u skladu sa članom 69.stav (3) i na osnovu istog donijela Preporuku kojom predlaže Ugovornom organu poništenje postupka.

Zbog svega navedenog odlučeno je kao u dispozitivu Odluke o poništenju postupka javne nabavke.

POUKA O PRAVNOM LIJEKU: Protiv ove odluke može se izjaviti žalba najkasnije u roku od 10 (deset) dana od dana prijema od ove Odluke, a u skladu sa članom 101. stav (1) tačka d) Zakona o javnim nabavkama („Službene novine BiH“ , br: 39/14).

Dostaviti:

- ponuđačima
- web portal e-nabavki
- web portal fakulteta
- Komisiji za javne nabavke
- a/a



DEKAN

Prof.dr. Ahmet Lojo